

中國宗教歷史文獻集成編纂委員會編纂

黃山書社

藏外佛經

中國宗教歷史文獻集成之一

藏外佛經

新學堂

中國宗教歷史文獻集成編纂委員會編纂

藏外佛經

第十冊

黃山書社

新學
社
PDG

图书在版编目(CIP)数据

中国宗教历史文献集成. 10, 藏外佛经/周燮藩主编; 方广锬分卷主编. - 合肥: 黄山书社, 2005. 10
ISBN 7-80707-295-4

I. 中… II. ①周…②方… III. ①宗教-史籍-中国②佛教-文献 IV. ①B929.2②B94

中国版本图书馆 CIP 数据核字(2005)第 117050 号

数字图书馆
PDG

藏外佛經第十冊目次

華嚴經論著集要四十卷

金陵刻經處編
清刻本

.....一

觀楞伽阿跋多羅寶經記十八卷

明德清撰
清刻本

.....四三八

佛說阿彌陀經注釋會要

徐珂纂
民國鉛印本

.....六七一

金陵刻經處編

清刻本

華嚴經論著集要四十卷

華嚴一乘十玄門

大唐終南太一山至相寺釋智嚴撰

承杜順和尚說

明一乘緣起自體法界義者不同大乘二乘緣起但能離執常斷諸過等此宗不爾一即一切無過不離無法不同也今且就此華嚴一部經宗通明法界緣起不過自體因之與果所言因者謂方便緣修體窮位滿即普賢是也所言果者謂自體究竟寂滅圓果十佛境界一即一切謂十佛世界海及離世間品明十佛義是也問文殊亦是因人何故但言普賢是其

聖賢十奇

因入耶答雖復始起發於妙慧圓滿在於稱周是故隱於文殊獨言普賢也亦可文殊普賢據其始終通明緣起也今辨此因果主門者圓果絕於說相所以不可以言說而辨因即明其方便緣修是故略辨也問不思議法品等亦明果德何故得於因門說耶答此等雖是果德對緣以辨果非是究竟圓寂之果是故與因同一會說也今約發就自體相辨緣起者於中有二者舉譬辨成於法二者辨法會通於理所言舉譬辨者如夜摩天會菩薩雲集品說云譬如數千法增一至無量皆悉是本數智慧故差別也今

舉此十數為譬者復有三門一異體門二同體門

就異體門中復有二一者一中多多中一如經云一中解無量無量中解一展轉生非實智者無所畏此約相說也二者一即多多即一如第七住經云一即是多多即一義味寂滅悉平等遠離一異顛倒相是名菩薩不退住此即約理說也今約十數明一中多多中一者若順數從一至十向上去若逆數從十至一向下來如前者緣成故一中即有十所以一成故若無十即不成無性緣成故一中即有十所以一成故二三四等一切皆成也若一住自性十即不

聖賢十奇

成者不成者亦不成也問既其各各無性何得成答多耶答此由法界實德緣起力用普賢境界相應所以來聚常成不增不減也如維摩經云從無住緣生一切法又論云以有空義故一切法得成也問此問攝法界為盡顯耶答亦有盡義亦無盡義何者法界即是盡無盡非真說即無盡也又復知法界等諸具盡不盡義也明即多多即一者還問前問中何止去問下來也如似昔即十緣成故若非十不成也從上向下來亦如是十即一緣成故若十非一不成也問何但一不成十亦不成答

非一。不成故。一即十既爾。一即二三亦然。逆順各十門亦然。問此中言自體。一即十者。與前同體。一中十有何別耶。答前明同體。一中有十而一非是十。此明一即十而一即是十。以為異也。問此明一體即十。為攝法盡。以不答。隨智差別故。亦盡。亦不盡。何者。如一若攝十。即名為盡。若具說。即無盡。問為自門無盡。為攝餘門亦無盡耶。答。一無盡。餘亦無盡。若餘不盡。一亦不盡。若成一。一切即成。若不成一。一切不成。是故此攝法。即無盡。復無盡。成一之義。於三四義。山若虛空。即是盡。更不攝餘。故名無盡。故亦攝盡。不盡也。

明舉十數為譬說竟

此下期約法以會理者凡十門

一者同時具足相應門 此約相應無先後說

二者因陀羅網境界門 此約譬說

三者秘密隱顯俱成門 此約緣說

四者微細相容安立門 此約相說

五者三世隔法異成門 此約世說

六者諸藏純雜具德門 此約行說
 七者一多相容不同門 此約理說
 八者諸法相即自在門 此約用說
 九者唯心迴轉善成門 此約心說
 十者託事顯法生解門 此約智說

就此十門亦一一之門皆復具十會成一百所言十者。一教義。三理事。三解行。四因果。五入法。六分齊境界。七法智師弟。八主伴依正。九逆順體用。十隨生根欲性。所言教義者。教即是通。相別相三乘五乘之教。即以別教以論別義。所以得理而忘教。若入此通宗。

而教即義。以同時相應故也。第三理事者。若三乘教。辨即異事。顯異理。如諸經舉異事。喻異理。若此宗。即事是理。如因法界等經。文是體實。即是理。相彰即是事。第盡解行者。如三乘說解而非行。如說人名字而。不識其人。若通宗說者。即行即解。如看其面。不說其名。而自識也。相顯為行。契窮後際為解。第四因果者。修相為因。契窮為果。第五入法者。文殊顯其妙慧。普賢彰其稱周。明人即法也。第六分齊境界者。參而不雜。各住分位。即分齊境界。第七法智師弟者。開發為師。相成即弟子。第八主伴依正者。舉一為主。餘即為

伴主以為正伴即是依第九逆順體用者即是成壞義也第十隨生根欲性者隨緣常應也如涅槃經云此方見滿餘方見半而月實無虛盈若此宗明者常增減而常無增減以同時相應然此十門體無前後相應既其具此十門餘因陀羅等九門亦皆具此十門何但此十門其中一一皆稱周法界所以舉十門者成其無盡義也

今釋第一同時具足相應門者即具明教義理事等十門同時也何以得如此耶良由緣起實德法性海印三昧力用故得然非是方便緣修所成故得同時

聖嚴十門

今且據因果同時者若小乘說因果者即轉因以成果因滅始果成若據大乘因果亦得同時而不彰其無盡如以舍緣以成舍因果同時成而不成餘物以因有親疏故所以成有盡若通宗明因果者舉疏緣以入親是故如舍成時一切法皆一時成若有十法不成者此舍亦不成如似初步若到一切步皆到若有一步非到者一切步皆非到故經云雖成等正覺不捨初發心又如大品經云非初不離初非後不離後而明菩提也問既言一步即到者何須用第二步耶答汝言一步即到者為是多即一以否又言何用

第二步者此第二步為是一即多以否若初步是多二第二步即一多者云何乃言一步到不用第二步耶若不是一多亦不是一多者何但一步不能到雖行多步終是不到故知一步與多步常有到不到義因中向爾者果中亦無果義故涅槃經云智者應當定說亦有亦無今舉十步到者即是法界緣起海印定功說到不到不同情調說到不到故經云唯應度者乃能見之而復不失因果不墮斷常故經云深入緣起斷諸邪見斯之謂也問若因果同時即因成果因即成果耶得言不失因果耶答如地論云依

聖嚴十門

緣起種義示現種種時依因義者名為因緣果義者名為果豈得決於因果耶既言因果同時即得無失若其失者何名因果同時耶因果同時既如此教義理事等同時然問既言同時相應者舉果因果當事即得真前教義等十門以答答徐但舉舉門略欲成其無盡若論空種世間體融前但舉事具此十門亦與無盡無異法界虛空法界成其無盡復無盡若但就前事說未成無盡者果同失乘義也小前第二因陀羅網境界門者此約譬以明亦復具有教義等十門如梵網經即取梵宮羅網為喻今言因陀

羅網者即以帝釋殿網爲喻帝釋殿網爲喻者須先識此帝網之相以何爲相猶如眾鏡相照眾鏡之影現一鏡中如是影中復現眾影一影中復現眾影即重重現影成其無盡復無盡也是故如第七地讚請經云於一微塵中各示那由他無量無邊佛於中而說法此即智正覺世間又云於一微塵中現無量佛國須彌金剛阿世間不迫近此即據器非間又云於一微塵中現有王惡道天人阿修羅等各受業報此即據眾生世間又云如一微塵所未現一切微塵亦如是故於微塵現國土國土微塵復示現所以成

聖摩訶

九

無盡復無盡此即是其法界緣起如智正覺世間又云於一微塵中現無量佛國須彌金剛阿世間不迫近此即據器非間又云於一微塵中現有王惡道天人阿修羅等各受業報此即據眾生世間又云如一微塵所未現一切微塵亦如是故於微塵現國土國土微塵復示現所以成其無盡

復無盡而不失因果先後次第而體無增減故經云一切眾生盡成佛佛界亦不增眾生界亦不減若無六眾生成佛眾生界亦不增佛界亦不減也

第三祕密隱顯俱成門者此約緣起說也還具前教義十門所言隱顯者如涅槃經半字及滿字皆說半字故半字即顯滿字即隱今日說滿字者滿字即顯半字即隱此即約緣而說隱顯又如月喻品云此方見半他方見滿而彼月性實無虧盈隨緣所見故有增減此即是大乘宗中說若通宗辨者不待說與不說常半常滿隱顯無別時如彼月性常滿而常半半

聖摩訶

十

滿無異時是故如來於一念中八相成道在時即是滅時同時俱成故所以稱祕密如偈告數言即止即是顯三至四至十即爲隱又眼根未受即是顯於色法中甚微起即著隱而此隱顯體無前後故宣祕密也

第四微細相容安立門者此就相說如前微塵此即是其本相無量佛國須彌金剛等即其大相直以緣起實德無礙自在致使相容非是天人所作故安立如似一微塵中有微國土而即於此微塵中其有不可說淨國在此微塵中而於彼穢國不相妨礙而

此淨國之相仍亦不失乃至有諸國土戶羅盆幢形三方及四維等國在此一微塵中常不相妨礙故普賢品云一切諸世界入一微塵中世界不積聚亦復不離散故知若與普賢相應能於一微塵中見不可說國生而不雜亂不增不減豈可須彌納芥子將為難事哉理事等十門安立相容亦如是問此相容門與前因陀羅網門有何別耶答諸門隱映互相顯發重重復重重成其無盡者即是因陀羅網門中攝若諸門一時其顯不相妨礙即是相容門中攝第五十世隔法異成門者此約三世說如離世間品

事廣十門

說三世者過去說過去過去說未來過去說現在現在說現在現在說未來現在說過去未來說未來未來說過去未來說現在三世為時念論前四篇雖世也如是十世以緣起力故相即復相因而不失世世如以盡指為拳不決指十世雖同時而不失世世故經云過去劫未來現在劫入過去現在劫入過去未來劫入現在又云長劫入短劫短劫入長劫有劫入無劫無劫入有劫又云過去是未來未來是過去現在是過去過去是現在又云無盡無數劫能作一念頃非長亦非短解脫人所行如是十世相入復相

即而不失先後短長之相故云隔法異成教義理事等十門相即相入而不失先後差別之相故名異成也

第六諸藏純雜具德門者此約諸度門說何者如似就一施門說者一切萬法皆悉名施所以名純而此施門即具諸度等行故名為雜如是純之與雜不相妨礙故名具德如大品經一念品明從始至終不出一念即名為純而此一念之中具於萬行即名為雜雖爾而與此中純雜義別何者如彼經一念者同是無得相應不明緣起德用若此明純者若約施門一

事廣十門

切皆施若說忍門亦切皆忍說忍門者諸行如虛空即名為純而此忍門具足諸門即名為雜純雜不相妨礙故名具德故不同彼念品又問此與六度相攝義有何別耶答六度相攝義者如似以施攝諸度而諸度非是施若此明皆以施攝諸門無門不是施以緣起力故不同六度相攝故一攝於九世而此等皆是一念故名為純而此內即具此等是故復名雜故知不同相攝義問此與大品相資義復有何別耶彼中資者闕一即不成此中資者數闕亦不成彼此二義未審有何別耶答彼言相資者而能非是所今

言十成二而一即是十所以不同資義。

第七一多相容不同門者此約理說以一入多多入一故名相容。即體無先後而不失一多之相。故曰不同。此即緣起實德。非天人所作。故經云以一佛土滿十方。十方人亦無餘。世界本相亦不壞。自在願力故能爾。又如普賢品云一切眾生身入一眾生身。一眾生身入一切眾生身。又云一切諸世界入一塵中。世界不積聚亦復不雜亂。須彌入芥子。此即不說也。

第八諸法相即自在門者此約用說還就約教義理

聖嚴十玄

十玄

事等諸門取其三種世間圓融無礙自在故。即攝盡切成其無盡復無盡以其無盡故相即復相入。此約用以說問此明其無盡復無盡相即復相入。與前因陀羅網及微細相容門有何差別耶。答如譬說。同體門中說者。若就隱映相應互相顯發重重復重重成其無盡者。即是因陀羅網門攝。若諸門皆時具顯不相妨礙者是相容門攝。若就三世圓融無礙自在相即復相入成其無盡復無盡者。即是此門攝。問若如是相即即復相入成其無盡復無盡者。此乃渾無疆界。何始何終。何因何果耶。答此據法界緣起體性

成其無盡復無盡。故先後因果不失。雖不失先後而先後相即復相入。故成其無盡。以先後相即復相入。故初發心時便成正覺。如前章門一即一切無盡亦復無盡。二三亦復爾。故此經歎初發心功德云。彼一念功德深廣無邊際。如來分別說窮劫不可盡。此即明其一即一切成共一切無盡。又云何況於無量無數無邊劫。具足修諸度諸地功德行。此即是從二三至九十皆成無盡。以是故從十信終心至十住十行及十迴向地等皆悉明成佛者。良由始終相即復相入成無盡。故問如前明果德絕於說相云何。十信終

聖嚴十玄

十玄

心即具佛果德。用耶若半信同果德者。即果德是。可說之相。何不可說耶。答因位菩薩有果德。猶欲彰果德。是不可說是。故歎德云。菩薩在此地。普攝一切諸地功德。問若此地即攝一切諸地功德。即一切初即攝後者。一門即具何用。餘問也。答若無餘門一門即不成。故如一升即攝一斗。若無升此斗即不成。問若無升即無斗者。余舉一升即得一斗以否。若一升不得一斗一行不得與一切行答。十升合成一斗。既無其升時將何作斗。故知無升即無斗。有升即有斗。今舉升即斗。斗升之外無別升斗。如龜毛兔角

不可得初心卽成佛成外無別修其相如虛空是故
言初心成佛者非謂不具諸功德如經說普莊嚴童
子一生具見佛聞法卽得三昧卽至後際見佛滅度
後復得三昧如經一生得見聞若熏習二生成其解
行三生得入果海同一緣起大樹而此三生只在一
念猶如遠行到在初步然此初步之到非謂無於後
步明此童子得入果海非不久植善根問既言久修
始得者云何言一念得耶答言久修行善根者卽在
三乘教攝從三乘入一乘卽是一念始終具足故經
云初發心時便成正覺乃至具足慧身不由他悟

聖嚴一著

十五

眾流大海纔入一滴卽稱周大海無始無終若餘江
河水之深不及大海一滴故卽用三乘中修三乘
多勤著及與一乘忠告念故下明善財從文殊所發
心求善知識總歷一百一十城已而不如一念得見
普賢菩薩故知得此緣起大海一念豈不成佛耶
至如初坐用心之徒但取靜心卽言成佛者此亦謂
佛成在而不得是圓極之成如諸江河亦得是冰未
得同如共海之水此中通辨一念成佛義者若冰未
說要三天阿僧祇劫滿百劫修行相好業始得成佛
行若滿意欲成佛亦不得故無一念成佛義若大

乘明一念成佛義者凡有三種一者會緣以入實性
無多少故明一念成佛義如大品經一念品義是也
二者行行既滿取最後念名爲成佛如人遠行以後
步爲到此亦分用緣起而明三僧祇劫修道地前是
淨僧祇初地至七地是正僧祇八地至十地是三僧
祇然亦不定由有一念成佛故明知不定若一乘明
一念成佛如大乘取最後一念成佛卽入一乘以後
望初初念卽是成何故以因果相卽同時相應故欲
論其成者成復成成復成眾生欲在後成佛者在後
復在後在後復在後故不思議品云諸佛如來非不

聖嚴一著

十六

究竟爲眾生故於念念中新新斷結亦不徒學地而
成正覺故念無念念成者卽與佛同時位未見究竟
故復有淺深之殊如人始出門及與久遊他土雖同
在空輿而遠近漸別是故信住等位各言成佛者
而復辨其淺深此須善思之
第九唯心迴轉善成門者此約心說所言唯心迴轉
者前諸義教問等並是如來藏性清淨真心之所建
立若善善惡隨心所轉故云迴轉善成心外無別境
故言唯心若順轉卽名涅槃故經云心造諸如來若
逆轉卽是生死故云三界虛妄唯心作生死涅槃

皆不出心。是故不得定說性是淨及與不淨。故涅槃云。佛性非淨亦非不淨。淨與不淨皆唯心。故離心更無別法。故楞伽經云。心外無境界。無塵虛妄見。問若心外更無別境。有無皆由心成者。如人先見部外有物。別有人去物時。心由謂有。爾時物實無。何名由心成耶。答。若隨虛妄心中轉者。此部外物亦隨心之有無。此亦心隨去物。不去物而轉。若論如來藏性真實淨心。說者此物不動。本處體應十方。性恆常轉。縱移到他方面。常不動本處。此即緣起自在力。然非是變化幻術所為。是故雖復七處九會而不離寂滅道場也。

聖嚴十玄問

十一

第十託事顯法生解問者。此約智說。言託事者。如經舉金色世界之事。即顯始起於實際證法。一切幢宇切然等事。是行體也。又如法界品云。開樓觀門。相見彌勒菩薩。所行因事。至菩提道場。以樓觀則菩提相。所以言顯法生解也。若夫乘禁中。辨明亦託事以顯法。即以異事顯於異理法。此中以事即法。故隨舉一事攝法無盡。故前舉旛幢等皆言一切。所以不同大乘說也。此中明因果者。如一乘說也。

華嚴一乘十玄問

華嚴大教闡揚十玄門者。此為與祖賢首仍之載於教義章內。大意相同。而文有詳略。及作探玄記。改易二名。用一華嚴演說。為清涼懸談。本後人不知。以為清涼十玄與賢首有異者。蓋未見探玄記也。今教義章與懸談並行於世。而復刻此卷。欲令人知其本源耳。

楊文會記

華嚴精舍施錢十三千文。敬刊此卷。連圖計字七千二百八十八箇。

聖嚴十玄問

十二

光緒二十一年夏五月金陵刻經處識

華嚴五十要問答卷上

唐終南太一山至相寺沙門智儼集

今建五十要問答以顯一乘文義節

一十佛及名義離世間品中釋

問云何見佛及佛名數十乘三乘小乘等教中不同
義答依小乘教見色身佛三十二相等則是實見眼
根與境同時相應見實色相名為見佛若依三乘見
佛實色身等三十二相不名見佛由與分別徧計合
故假使見可似之相即是謂似亦非見佛若知無性
無來去相卽色是空非色滅空等不如所謂是名見

華嚴五十要問答卷上

二

佛由與佛體相應故依三乘教見聞思修乃至會知
無生相及應計數見其本佛無著佛安住世間成
莊嚴故造願佛出生故本業報佛指故四持佛隨順
故莊嚴佛求度故興法界佛無處不至故七心佛
安住故永莊嚴佛無量無著故九性佛決定故十如
意佛普覆故名爲見佛由如是見順正理故則能親
見無生如來何以故顯是成菩提分法及解脫分法
麤細差別對機生信初始不同故立一乘等佛名數
差別多少云何者一乘教佛名數有非如華嚴經說
一乘無著佛三願佛三業報佛四持佛五涅槃佛六法

界佛七心佛八三昧佛九性佛十如意佛三乘佛有
三法身佛五報身佛三化身佛小乘佛有二生
身佛二化身佛法身佛亦名自性身卽本有真如也
三報身佛亦名應身三化身佛亦名應身則修生行
德成也若依小乘二佛生身佛化身佛並修生慈悲
愛荷成也若歎佛德若一若少若多時者是三乘若
多歎少時乃至多時多歎是一乘也

二受職義非住品後釋

問諸教成佛受職云何答若小乘受職但人義中教
成無別事義若三乘受職依理天處成亦不論理事

華嚴五十要問答卷上

二

教義位別依三乘受職卽具教義理事位等廣如華
嚴經說

三眾生作佛義十稠林後釋

問依諸教中有情眾生作佛云何答依小乘教於一
時中但菩薩以大慈悲愛行依五十三心次第作佛
餘見行者並不作佛但得二種涅槃往無餘也若依
三乘始教則半成佛半不成佛若直進及回心二人
修行滿十千劫住堪任地者並皆成佛若未至此位
則與六闍底迦位同如此人等並皆不成佛此據位
語若依此判四句分別準亦可知此如瑜伽菩薩地

說若依三乘終教則一切有情眾生皆悉成佛。由他聖智顯本有佛性及行性故。除其草木等如涅槃經說依一乘義一切眾生通依及正並皆成佛如華嚴經說以此義準上四句義即是一乘其教非別教也。

四成佛前後義四十無礙辨後釋

問諸教有情一切眾生成佛前後自他云何答依小乘教但一人成佛若餘人成佛前後不同時若教化有情後時作佛由無十方佛故依三乘教有十方佛故得同時他處成佛若他有情亦得能化所化同時成佛爲進退不定故若依一乘教於念念中成佛皆

聖嚴五十年答卷上

三

盡所化有情在諸位中并住以去乃至菩提皆盡眾生界成佛徧滿無有前後爲同一緣起大樹故也。問一念佛與多劫成佛差別云何答依小乘教世界成壞大劫滿三千阿僧祇定得成佛無一念成佛者依三乘教或一念成佛此有二義一由覺理位滿足時唯一念故二會緣從實時法性無多少長短一成即一切成一切成即一成故若據一千三百界定三僧祇成佛此依華嚴六百二十數說僧祇義若通餘世界亦不定三僧祇如勝天王經說依一乘義成佛時

節並皆不定爲十方世界時節不同因陀羅世界等並據當分報位說有爲諸劫相作及相入等故無定時仍不違時法也。

六他方佛成化義第二品初雲集品中釋

問依諸教相他方諸佛應化云何答依小乘教無他方佛假使有者即是此方佛往彼變化依三乘教十方淨土所有諸佛並是實報無有變化若權起不定始終令有情機知變化者即屬化攝若色究竟處及菩提樹下二佛相對有其兩義一以化顯報即菩提樹下顯蓮華藏世界海中佛是報故也二以報顯化

聖嚴五十年答卷上

四

舉色究竟處成高天身顯菩提樹不是化義也若依一乘但有主佛依行分說不分修生及末有義若體解矣道體即對劫種體相即一切種相用即一切種用也諸方現佛若若義若依釋迦海印定現無別佛也。

七佛母眷屬義後摩耶中釋

問佛母摩耶諸眷屬等義相云何答依小乘教佛母摩耶此瞻部洲是實佛母餘世界中則無實也爲佛是化故依三乘始教於一千三百所有佛等並是化佛摩耶眷屬等亦即非實諸三千界處亦有別佛化義